



Pretresi u Srebreniku i Gradačcu – oduzeta vozila, oružje i droga

POSTED BY SENADA IMSIROVIC ON 17. FEBRUARY 2020 IN SREBRENIK | 16 VIEWS | LEAVE A RESPONSE



Policijski službenici Uprave policije MUP-a TK-a (OKP PU Srebrenik) su u petak 14. februara na području Srebrenika, postupajući po Naredbi Općinskog suda Srebrenik izvršili pretres kuće koju koristi N.H., rođen 1982. godine kojom prilikom je privremeno oduzeto 15 manjih pvc. folija sa sadržajem biljne materije koja svojim izgledom asocira na opojnu drogu, 155 sjemenki koje svojim izgledom asociraju na sjemenke opojne droge, digitalna vaga, dvije vazdušne puške bez odgovarajuće dokumentacije i četiri puščana metka.

O navedenom je obaviješten kantonalni tužilac, a N.H. je lišen slobode i priveden u službene prostorije radi kriminalističke obrade. Nakon kompletiranja predmeta, N.H. će u zakonskom roku uz Izvještaj biti predat Kantonalnom tužilaštvu Tuzlanskog kantona na dalje postupanje zbog postojanja osnova sumnje da je počinio krivično djelo Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije BiH, krivično djelo Nedoizvoljeno držanje oružja ili eksplozivne materije iz člana 371. stav 1. KZ FBiH u sticaju sa krivičnim djelom Neovlašteno nabavljanje, držanje i prodaja oružja i bitnih dijelova oružja iz člana 72. stav 1. Zakona o oružju i municiji Tuzlanskog kantona.

Takođe, 14. februara na području Gradačca policijski službenici Uprave policije MUP-a TK (Odsjeka za borbu protiv privrednog kriminaliteta i korupcije SKP i Jedinice policije za specijalnu podršku) su, postupajući po naredbi Općinskog suda Gradačac, izvršili pretres kuće koju koristi M.A., rođen 1986. godine, s ciljem pronalaska predmeta koji se mogu dovesti u vezu sa krivičnim djelom Nedoizvoljena trgovina iz člana 267. Krivičnog zakona FBiH. Prilikom pretresa, pronađeno je i privremeno oduzeto pmv. “BMW” i dva motocikla.

Sa navedenim je upoznat kantonalni tužilac, a policijski službenici nastavljaju daljnji rad na dokumentovanju i kompletiranju ovog predmeta, stoji u saopćenju MUP-a TK.

Izvor: RTV Slon

POSTED IN SREBRENIK

Related Posts



U rekordnom roku: Za samo tri dana zapuštene “barake” u Srebreniku pretvorene u objekte za trijažu i izolaciju→



Gradski štab CZ Srebrenik sinoć održao sjednicu i donio zaključke→



U samoizolaciji 300 građana Srebrenika – pojačane mjere prevencije→



Obustavlja se obavezna vakcinacija u Srebreniku→

0 Comments

Sort by Oldest

Add a comment...

Facebook Comments Plugin

